

2223
9

Մ. ԱԹՈՌ Ս. ԷԶՄԻԱԾՆԻ

Մ Ի Ա. Բ Ա. Ն Ա. Կ Ա. Ն

Կ Ա Ն Ո Ն Ա Դ Ր Ո Ւ Թ Ի Ի Ն

13504

ՀԱՅԱՍՏԱՆԻ
ԳՐԱԳՐԱԿԱՆ
ՍՈՒՅՑԱԿԱՆ ԿԵՆՏՐՈՆ
ԵՐԵՎԱՆ



Ս. ԷԶՄԻԱԾՆԻ

Երկարաբարձ Տպարան Մայր Աթոռու

1920

13504

թ. 860


Հաւան գտեալ հաստատեմք
գայս կանոնադրութիւն Միաբա-
նական Ուխտի ու Արտօռչս բող-
կացեալ յ 104 յօդուածոց եւ տամք
ի գործադրութիւն:

Գ Է Ո Ր Գ Ե .

ԿԱՔՈՒՂԻԿՈՍ ԱՄԵՆԱՅՆ ՀԱՅՈՑ

14|27 Դեկտեմբերի 1919 թ.

Ս. Էջմիածին



Handwritten numbers and scribbles in blue ink, including '2227' and '9'.

Ա.

Հ Ի Մ Ն Ա Կ Ա Ն Կ Ա Ն Ո Ն Ն Ե Ր .

- § 1. Ս. Էջմիածինն է Ամենայն Հայոց Հայրապետի Աթոռը և բոլոր հայ վանքերի ու եկեղեցիների մայրը:
- § 2. Ս. Էջմիածնի վանքն ունի իւր միաբանութիւնը, որի Դուլան է Ամենայն Հայոց Հայրապետը:
- § 3. Ս. Էջմիածնի միաբանութիւնն է կուսակրօնների հոգևոր ուխտ իւր յատուկ կանոնադրութեամբ:
- § 4. Ս. Էջմիածնի միաբանութեան նպատակն է՝
 - ա. — Քարոզել Աւետարանը.
 - բ. — Ծառայել Հոգևոր կրթական գործին.
 - գ. — Մշակել Հայագիտութիւնն ու հայ գիւղարուեստը.
 - դ. — Հաստատել և պահել աստուածահաճոյ հիմնարկութիւններ.
 - ե. — Պատրաստել եկեղեցու համար հոգևոր վարիչներ.
- § 5. Ս. Էջմիածինն իւր նպատակներին ծառայելու համար ունի եկամտի որոշ աղբիւրներ:
- § 6. Միաբանական կեանքի հիմքը Հայաստանեայց ու եկեղեցու ընտրական և ժողովրդական (կօլլեգիալ) սկզբունքն է:

Հ Ր Ա Մ Ա Ն Ա Ի

Տ. Տ. Գ Է Ո Ր Գ Ե .

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱՔՈՒՂԻԿՈՍԻ

Ա մ ե ն ա յ ն Հ ա յ ո ճ

§ 7. Ս. Էջմիածնի միաբանութիւնը մասնակցում է Ամենայն Հայոց Հայրապետի ընտրութեան իւր ընտրած ներկայացուցիչներով:

§ 8. Միաբանութիւնը վարում է համայնական կեանքի ծանօթ.—Միաբանութեան ներքին կենցաղի համար կայ յատուկ հրահանգ.

§ 9. Ս. Էջմիածնի վանքն է ժառանգը իւրաքանչիւր միաբանի արդար վաստակով ձեռք բերած շարժական և անշարժ ունեցուածքի:

Բ.

Մ Ի Ա Բ Ա Ն Ո Ի Թ Ե Ս Ն Կ Ա Չ Մ Ը :

§ 10. Մ. Աթոռի միաբան են՝ ա. Էջմիածնում ձեռնադրուած բոլոր եպիսկոպոսները, միաբան ընդունուած վարդապետները, սարկաւազները և զպիրները:

§ 11. Միաբանութեան անդամ ընտրուում է նա, որ ունի՝

ա.—Քաղաքացիական հասունութիւն.

բ.—Քարձը կամ միջնակարգ կրթութիւն.

գ.—որ չունի հոգեկան և մարմնական արատ:

§ 12. Վանք մտնել ցանկացողը խնդիր է տալիս Վեհափառ Հայրապետի անունով, ներկայացնելով պատշաճ վկայագրեր, որն և ուղարկում է միաբանական ժողովին:

§ 13. Միաբան ընդունող և արձակողն է միաբանական ժողովը Վեհափառ Հայրապետի հաստատութեամբ:

§ 14. Միաբանը միաբանակցութիւնից հրաժարուելու դէպքում խնդիր է ներկայացնում Վեհափառ Հայրապետին, որն և յանձնում է միաբանական ժողովին:

Գ.

Մ Ի Ա Բ Ա Ն Ո Ի Թ Ե Ս Ն Պ Ա Ր Տ Ք Ն Ո Ի Ի Ր Ա Ի Ո Ի Ն Բ Ն Ը .

§ 15. Նոր ընդունուող միաբանը ուխտում է Հայաստանեայց Առաքելական ս. եկեղեցւոյ կարգերին հաւատարմութիւն և Ամենայն Հայոց Հայրապետին հնազանդութիւն:

§ 16. Իւրաքանչիւր միաբան պարտաւոր է կատարել իրեն յանձնուած աշխատանքը կամ պաշտօնը:

§ 17. Իւրաքանչիւր միաբան ունի սեփականութեան իրաւունք ընդհանուր հիմունքներով:

§ 18. Իւրաքանչիւր միաբան իրաւունք ունի իւր շարժական և անշարժ ստացուածքը թողնելու կտակով բարեգործական և ազգօգուտ հաստատութիւններին:

Ծանօթ.—Միաբանի մահուան դէպքում կազմուում է յատուկ ցուցակ նորա ամբողջ ունեցածի վանական խորհրդի ձեռքով և ներկայացուում է ի սնօրինութիւն միաբանական ժողովին:

§ 19. Ծայրագոյն վարդապետութեան աստիճան ստանալու համար միաբանը պարտաւոր է ներկայացնել զիտական աշխատանք (աստուածաբանական և հայազիտական, մասնակի դէպքում նաև ընդհանուր զիտական): Ծայրագունութեան իրաւունք տրուում է նաև վկայեալ քաջութիւն վարդապետին:

§ 20. Միաբանութեան իւրաքանչիւր անդամ վանքում ստանում է հաւասարապէս՝ բնակարան, անունդ, վառելիք, լուսաւորութիւն, բժշկական խնամք և ստանձնական-կրթական զարգացման անհրաժեշտ միջոցներ:

§ 21. Իւրաքանչիւր միաբան ստանում է, համա-

ձայն իւր աստիճանի և պաշտօնի սահմանուած ուժիկը:

Դ.

Մ Ի Ա Ք Ա Ն Ա Կ Ա Ն Ժ Ո Ղ Ո Վ Ն Ե Ր .

§ 22. Միաբանութիւնն ունի՝

ա.— Տարեկան ընդհանուր,

բ.— Ներքին միաբանական և

գ.— Արտակարգ ժողովներ:

§ 23. Միաբանական ընդհանուր ժողովը կազմուած է միաբաններից, տարին մի անգամ, սեպտեմբերի 20-ին:

§ 24. Իւրազանչիւր միաբան ժողովներին մասնակցում է ձայնի իրաւունքով, իսկ միւս վանքերի միաբանները՝ երբ նոքա պաշտօնավարում են Մ. Աթոռում:

§ 25. Միաբանական ընդհ. ժողովի զբաղման առարկաներն են՝

ա.— Ազգային-եկեղեցական ժամանակակից հարցերի քննութիւն.

բ.— Իրսի և ներսի միաբանների գործունէութեան փոխադարձ ծանօթութիւն.

գ.— Վանական հաստատութիւնների և մարմինների տարեկան գործունէութեան քննութիւն.

դ.— Հաստատութիւն հաշիւներ և նախահաշիւների.

ե.— Ընտրութիւն վանական հաստատութիւնների և մարմինների պաշտօնէութեան:

§ 26. Միաբանական ընդհանուր ժողովի նախագահն է Վեափառ Հայրապետի ներկայացուցիչը:

§ 27. Ընդհանուր ժողովն ընտրում է ատենապետ և երկու ատենադպիր, իսկ տեղական ժողովների համար ա և բ. ատենապետ և երկու ատենադպիր մի տարի

ժամանակով:

§ 28. Միաբանական ներքին ժողովները գումարւում են ամիսը մի անգամ, որի զբաղման առարկաներն են՝

ա.— Վանական խորհուրդի ղեկուցումներ.

բ.— Նոր պաշտօնեաների ընտրութիւն հրաժարուածների փոխարէն ցյառաջիկայ ընդհ. ժողովը.

գ.— Ընթացիկ հարցեր.

§ 29. Միաբանական ընդհ. ժողովները օրինական են, երբ ներկայ են բոլոր միաբանների ²/₃-ը:

§ 30. Տեղական ժողովները բացւում են և որոշումները օրինական են երբ ներկայ են վանքում գտնուող միաբանների կիսից աւելին:

§ 31. Ժողովի որոշումները վաւերական են, երբ ստանում են ձայների կիսից աւելի և հաստատուում Վեափառ Հայրապետից:

§ 32. Միաբանական ժողովները ղեկավարւում են յատուկ հրահանգով:

§ 33. Արտակարգ ժողովները գումարւում են՝

ա.— Վեափառ Հայրապետի կարգադրութեամբ

բ.— Ատենապետութեան առաջարկութեամբ և

գ.— Երբ միաբաններից եօթ հոգի գրաւոր պահանջ են դնում:

Ե.

Վ Ա Ր Չ Ա Կ Ա Ն Մ Ա Ր Մ Ի Ն Ն Ե Ր Ե Ի Հ Ա Ս Տ Ա Տ Ո Ւ Թ Ի Ի Ն Ն Ե Ր (ԸՆԳՈՒ ԿԱՆՈՆՆԵՐ)

§ 34. Վանական հաստատութիւններն ունեն վարիչներ, իսկ վարչական մարմինները՝ խորհուրդներ: Ս. Հոփսիմէի և Գայանէի վանքերը և Զուարթնոցը վանա-

հայրեր:

§ 35. Խորհուրդների անդամներին և հաստատութիւնների վարիչներին՝ ս. Հովհաննէի, ս. Գայանէի և Զուարթնոցի վանահայրերին ընտրում է Միաբ. ընդհ. ժողովը և առաջարկում է ի հաստատութիւն Վեհափառ Հայրապետի:

§ 36. Վանական հաստատութիւնները, խորհուրդներն ու վանքերն իրենց ներքին գործառնութեանց համար ունին յատուկ հրահանգներ:

§ 37. Խորհուրդները, վարիչները և վանահայրերը պաշտօն ստանում են յատուկ յանձնողական ստացողական արձանագրութիւն կազմելուց և ստորագրելուց յետոյ:

§ 38. Վանական վարչական մարմինները, հաստատութիւններն ու վանահայրութիւններն ունին՝ Դիւան, կնիք, ժապաւինեալ հաշուեմատեան, գոյքի և կայքի ստմար:

§ 39. Վանական հաստատութիւնները, վարչական մարմինները, վանքերն ու Զուարթնոցը ունին իրենց նախահաշիւը և այդ սահմանում գործում են անկախ:

§ 40. Հաստատութիւններն ու վարչական մարմինները կարող են կարևոր դէպքում հրաւիրել մասնագէտ պաշտօնեաներ, խորհրդակցութեամբ վանակ. խորհրդի:

§ 41. Վանական բոլոր հաստատութիւնների և վարչական մարմինների պարտքն է անկորուստ պահպանել իրենց յանձնուած շարժական և անշարժ գոյքն ու ստացուածքը և կայից սւ գոյից ամենատեսակ հաշիւներն ու մտտեանները:

Զ.

Վ Ա Ն Ա Կ Ա Ն Խ Ո Ր Հ Ո Ի Բ Գ.

§ 42. Վանական խորհուրդն է միաբանական ժողովի

գործադիր մարմինը և ընթացիկ խնդիրների կարգադրիչը:

§ 43. Վանական խորհուրդի կազմն է՝ Մայր Տաճարի Լուսարարապետ, վանական կառավ. նախագահ, Ռեսուսնական խորհրդի նախագահ, Մատենադարանապետ, Թանգարանապետ, Տպարանի տեսուչ և Վերստուգիչ:

§ 44. Վանական խորհուրդը ընտրում է իւր նախագահն իւր միջից և կամ միաբանական կազմից:

§ 45. Վանական խորհուրդը իւր եզրակացութեամբ ներկայացնում է Միաբանական ժողովին՝

ա.—Վարչական մարմինների և հաստատութիւնների գեկուցումները:

բ.—Տեղեկագրերը, հաշիւները, նախահաշիւները և կիսամեայ ստուգութիւնները:

§ 46. Հսկում է միաբանակ. ժողովների վաւերացրած որոշումների կատարմանը:

§ 47. Վանական Խորհուրդն է տալիս բոլոր հաստատութիւններին և վանահայրերին հաշուապահական ամենատեսակ մատեաններ:

§ 48. Վանական հաստատութիւնների, վարչական մարմինների և վանահայրերի կապած գաշնագրերը և կայացրած համաձայնութիւնները օրինական են, երբ ստացուել են վանական խորհուրդի վաւերացումը:

§ 49. Վանական խորհուրդի միջոցով է կատարւում ներքին հաստատութիւնների հետ ունեցած բոլոր գրագրութիւնները:

Ժամօթ.—Արտաքին հաստատութիւնների յարաբերութիւնները կատարւում են Հայրապետական դիւանի և ս. Էջմիածնի սինօզի միջոցով:

§ 50. Վանական խորհուրդն ունի իւր գանձարանը, դանձապահը և հաշուապահը:

§ 51. Վանական խորհուրդն ստանում է ս. Էջմիա-

Տնի Մինօղից, Նորին Սրբութեան կողմից հաստատուած նախահաշիւների համաձայն, կարևոր գումարները և մասնագրում է վանական միւս հաստատութիւններին և վարչութիւններին, ըստ նախահաշուի:

§ 52. Վանական բոլոր հաստատութիւններն ու վարչութիւնները պարտաւոր են ամսավերջին ներկայացնել Մինօղին իրենց մօտ եղած աւելորդ գումարները, միաժամանակ և տեղեկութիւն տալով այդ մասին և վանական խորհուրդին:

§ 53. Վանական խորհուրդի իւրաքանչիւր անգամ իւր տեսչութեան վերաբերեալ խնդիրների համար անհատապէս, իսկ վանակ. խորհուրդի գործունէութեան համար հաւաքաբար, պատասխանատու է Միաբ. ժողովի առաջ:

Ե.

Ք Ե Ռ Ր Գ Ե Ա Ն Հ Ո Գ Ե Ի Ռ Ր Ճ Ե Մ Ա Ր Ա Ն

§ 54. Մայր Աթոնն ունի իւր շեմարանը Աստուածաբանական և Հայագիտական բաժիններով (Փակուլտետներով):

§ 55. Շեմարանն ըստ ուսումնականին ինքնավար է:

§ 56. Շեմարանի անտեսական մասի կառավարութիւնը ենթակայ է Մ. Աթոռի Միաբանական ժողովի իրաւասութեանը:

Ը.

Ո Ի Ս Ո Ի Մ Ն Ա Կ Ա Ն Ի Ռ Ր Հ Ո Ի Ր Դ.

§ 57. Ուսումնական խորհուրդը կազմուած է երեք անդամից:

§ 58. Խորհուրդի գործունէութեան շրջանն է քննել ա.— Այն շարադրութիւնները, որ ներկայացնում են միաբանները Մայր Աթոռի հաշուով հրատարակելու համար և

բ.— Այն կրօնական-բարոյական եկեղեցական գրուածները, որոնք յանձնարարուում են վեհափ. Հայրապետից:

գ.— Հրատարակում է գիտական «Արարատը» և «Եջմիածին» շաբաթաթերթը:

դ.— Մրցանակներ է նշանակում կրօնական, եկեղեցական հայագիտական գրուածների համար:

Թ.

Ք Ա Ր Ո Զ Զ Ա Կ Ա Ն Մ Ա Ր Մ Ի Ն

§ 59. Մայր Աթոնն ունի իւր յատուկ քարոզչական մարմինը:

§ 60. Քարոզչական մարմինը բաղկացած է կարող և փորձառու հինգ միաբանից:

Ծանօթ. Բոլոր թեմական առաջնորդներն ի պաշտօնէ են անդամներ:

§ 61. Քարոզչական մարմնի նախագահը ընտրուում է իւր միջից:

§ 62. Քարոզչական մարմինն ունի իւր յատուկ զբոսը՝ քարոզիչներ պատրաստելու համար:

§ 63. Քարոզչական մարմինը կազմակերպում է գասախօսութիւններ, կարճատև դասընթացներ, հրատարակում է զրբոյկներ:

§ 64. Քարոզչական մարմինն ունի կարևոր կենտրոններում իւր ճիւղերը, թեմական առաջնորդների հովանաւորութեան տակ:

§ 65. Քարոզչական մարմինն ունի իւր յատուկ թերթը

§ 66. Քարոզչական մարմինն ունի իւր նպատակներ ի համար յատուկ միջոցներ:

Ժ.

Մ Ա Յ Ր Տ Ա Ճ Ա Ր.

§ 67. Մայր տաճարի ներքին բարեկարգութեան անմիջական հսկողն է Լուսարարապետը, որն ունի իւր աւագ օգնական վարդապետ և կրտսեր օգնական երկու սարկաւագ:

§ 68. Լուսարարապետի պարտականութիւններն են՝ ա.— Հսկել եկեղեցւոյ Աստուածային պաշտաման և եկեղեցական կարգերի անթերի կատարման:

§ 69. Լուսարարապետի կարգադրութիւնները Տաճարում պարտադիր են՝

ա.— Աստուածապաշտութեան և հանդէսների ժամանակ միաբանների համար:

բ.— Տաճարի պաշտօնեանրի համար:

§ 70. Մայր Տաճարն ունի իւր ժամօրհնողը:

§ 71. Մայր Տաճարն ունի մնայուն երգեցիկ խումբ և խմբապետ:

ԺԱ.

Մ Ա Տ Ե Ն Ա Դ Ա Ր Ա Ն.

§ 72. Մատենադարանի նպատակն է նպաստել լայն հասկացողութեամբ հայագիտութեան ուսումնասիրու-

թեան, որի համար պէտք է աշխատել ի մի հաւաքել Հայ Զեռագիրները և Հայագիտութեան վերաբերեալ տպագիր հայ և օտարազգի լեզուներով բոլոր հրատարակութիւններն ու հայ մամուլը:

§ 73. Մատենադարանը կառավարում է մատենադարանապետը իւր օգնականներով:

§ 74. Մայր Աթոռն ունի իւր ընթերցարանը:

ԺԲ.

Թ Ա Ն Գ Ա Ր Ա Ն

§ 75. Թանգարանի նպատակն է նպաստել Հայ անցեալ և ներկայ կեանքի ուսումնասիրութեան, որի համար պէտք է ի մի ժողովել ազգային և եկեղեցական մշակոյթի ամենատեսակ Հայ և օտարազգի արտադրութիւններն ու յուշարձանները:

§ 76. Թանգարանն ունի հետևեալ բաժանմունքները՝ ա.— Եկեղեցական թանգարան

բ.— Ազգային հութիւնների թանգարան՝ ազգագրական բաժնով.

գ.— Պատկերասրահ.

դ.— Զուարթնոցի թանգարան.

§ 77. Թանգարանը կառավարում է թանգարանապետը իւր օգնականներով:

§ 78. Մայր աթոռն ունի Վանակ. Հնագիտական Ընկերութիւն Հայրենի հութիւնները կործանումից պահպանելու:

§ 79. Վանական Հնագիտական Ընկերութիւնն ունի իւր կանոնադրութիւնը

ԺԳ.

Կ Ե Ն Դ Բ Ո Ն Ա Կ Ա Ն Դ Ի Ի Ա Ն (Արխիվ):

§ 80. Մայր աթոռն ունի իւր կենդրոնական դիւանը.

§ 81. Դիւանի նպատակն է ի մի հաւաքել կաթողիկոսարանի, էջմիածնի Սինօզի, բոլոր թեմերի կոնսիստորեաների և առաջնորդների, ձեմարանի, Թեմական և ծխ. դպրոցների և այլ պատմական արժէք ունեցող վաւերագրերը:

§ 82. Դիւանն ունի իւր յատուկ շէնքը:

§ 83. Դիւանն ունի վարիչ իւր օգնականով.

§ Դիւանն ունի իւր մասնագիտական գրադարանը:

ԺԵ.

Տ Պ Ա Բ Ա Ն

§ 85. Տպարանի նպատակն է ծառայել ազգային լուսաւորութեան գործին, հրատարակելով կրօնաբարոյական, գիտական, գրական-գեղարուեստական աշխատանքներ:

Սոյն նպատակին ծառայելու համար տպարանը պէտք է արգիւնաբերական հիմունքներով կառավարուի:

§ 86. Տպարանն ունի իւր վարիչ-տեսուչը և օգնականը:

§ 87. Գրատունը տպարանից անջատէ, ունի իւր առանձին հաշուապահութիւնն և գտնուում է տպարանի վարիչի օգնականի անմիջական հսկողութեան և պատասխանատուութեան տակ:

ԺԵ.

Հ Ի Ի Բ Ա Տ Ո Ի Ն

§ 88. Մայր աթոռն ունի իւր վանական հիւրատուն:

§ 89. Հիւրատունն ունի իւր հիւրընկալը:

ԺԶ.

Հ Ի Ի Ա Ն Դ Ա Ն Ո Յ.

§ 90. Մայր աթոռն ունի իւր հիւանդանոցը.

§ 91. Հիւանդանոցն ունի իւր բժիշկը, դեղատունը, դեղագործ և հիւանդապահները:

§ 92. Հիւանդանոցն ունի իւր վարիչը:

ԺԷ.

Ս Ե Ղ Ա Ն Ա Տ Ո Ի Ն.

§ 93. Միաբանութիւնն ունի իւր եղբայրական սեղանատունը:

§ 94. Սեղանատունն ունի իւր վարիչը, որի հսկողութեան տակ են գտնուում խոհանոցն ու մառանը:

ԺԸ.

Հ Ա Ն Դ Ե Բ Չ Ա Տ Ո Ի Ն

§ 95. Մայր աթոռն ունի իւր հանդերձատունը. հանդերձապետը մատակարարում է հիւրատանն ու միաբաններին անհրաժեշտ իրեր և կահաւորութիւն:

ԺԹ.

Վ Ա Ն Ա Կ Ա Ն Կ Ա Ռ Ա Վ Ա Բ Ո Ի Թ Ի Ի Ն.

§ 96. Վանական կառավարութիւնը՝

ա.— կառավարում է վանքի բոլոր կալուածները.

բ.— Զբաղւում է երկրագործութեամբ, այգեգործութեամբ, գինեգործութեամբ, կաթնասնտեսութեամբ, անասնապահութեամբ, թռչնաբուծութեամբ և

գ.— Գանձում է նոցա եկամուտները.

դ.— Հսկում է վանքի անպեսական հիմնարկութիւնների (եկեքսրական կայարան, փուռ, ագարակ, շտեմարան,

գինետուն, մթերանոց, մառան և այլն) վրայ:

ե.— Հոգում է միաբանական բնակարանների, գերեզմանատան բարեգարգութեան և վերանորոգութիւնների վրայ:

§ 97. Վանական կառավարութիւնը կազմուում է հինգ անդամից, որոնց իւրաքանչիւր մէկի հսկողութեանն է յանձնուում որևէ մաս:

Ի.

Վ Ե Ր Ս Տ Ո Ի Գ Ի Չ.

§ 98. Վանական բոլոր հաստատութիւնների և մարմինների ղրամական և նիւթի հաշիւները քննում է վերստուգիչը:

§ 99. Վերստուգիչը ստուգութեան է ենթարկում վանական բոլոր հաստատութիւնների և վանքերի ղրամական հաշիւը և նիւթերը Վանական Խորհուրդից ստացած հրահանգի համաձայն:

§ 100. Վերստուգիչը իւր գիտողութիւնները, նկատողութիւնները յանձնում է Վանակ. Խորհուրդին:

§ 101. Վերստուգիչը բացի կանոնադրութեամբ նախատեսուած ստուգութիւններից, կարող է կատարել և արտակարգ վերստուգութիւններ:

§ 102. Արտակարգ վերստուգութիւններ կատարում են՝ երբ կարգադրում է Վեհափառ Հայրապետը, երբ որոշում է միաբանակ. ժողովը, վանական խորհուրդը և կամ երբ խնդիր է յարուցանում վանական որևէ վարչական մարմին:

ԻԱ.

Մ Ի Ա Ֆ Ա Ն Ա Կ Ա Ն Կ Ա Ն Ո Ն Ա Դ Ի Ր Ո Ի Ք Ե Ս Ն Վ Ե Բ Ա Ք Ն Ն Ո Ի Ք Ի Ի Ն

§ 103. Սոյն կանոնադրութեան մէջ կարող է փոփոխութիւն լինել միաբ. ընդհ. ժողովի $\frac{2}{3}$ -ի ցանկութեամբ:

§ 104. Մինչև նոր կանոնադրութեան նաստատուելը գործադրուում է հինը:

